



Broj: 552-7/21

Datum: 30.09.2021. godine

Na osnovu člana 135. Zakona o visokom obrazovanju Kantona Sarajevo ("Sl. novine Kantona Sarajevo", br. 33/17, 35/20 i 40/20) i Smjernica za organizaciju nastave u zimskom semestru studijske 2021/2022. godine Senata Univerziteta u Sarajevu (broj: 01-13-2/21 od 15.09.2021. godine), Naučno-nastavno vijeće Fakulteta za upravu u Sarajevu, na 04. vanrednoj sjednici održanoj 30.09.2021. godine, d o n o s i :

ODLUKU

o načinu i modelu realizacije nastavnih aktivnosti u zimskom semestru akademske 2021/2022. godini na Fakultetu za upravu u Sarajevu

I

U S V A J A S E način i model realizacije nastavnih aktivnosti u zimskom semestru akademske 2021/2022. godine na Fakultetu za upravu u Sarajevu (u daljem tekstu Fakultet), kako slijedi:

Realizacija nastavnih aktivnosti u zimskom semestru akademske 2021/2022. godine provodit će se kombiniranim modelom na sljedeći način:

- 1. Teoretska nastava, vježbe i seminari izvodit će se u učionicama Fakulteta, ukoliko to dozvoli trenutna epidemiološka situacija po procijeni Dekana Fakulteta, prema prethodno utvrđenom rasporedu, uz poštivanje propisanih epidemioloških mjera (obaveznom nošenju maski prilikom ulaska i boravka u prostorijama Fakulteta i održavanju distance od najmanje 2 metra između osoba, kako u učionicama prilikom održavanja nastave, tako i u pristupnim prostorima Fakulteta (holovi, hodnici), kao i sanitarnim čvorovima). Za osiguranje provođenja navedenih epidemioloških mjera zadužuje se kompletno nastavno i nenastavno osoblje Fakulteta.*
- 2. Ostavlja se mogućnost svim nastavnicima, a posebno nastavnicima angažiranim na Fakultetu sa drugih organizacionih jedinica Univerziteta u Sarajevu ili drugih visokoškolskih ustanova da nastavu iz svojih predmeta izvode on-line, putem Microsoft Teams platforme, prema prethodno utvrđenom rasporedu i uz prethodno odobrenje Dekana Fakulteta.*
- 3. Sve provjere znanja i ispiti (parcijalni i završni) održavat će se u učionicama Fakulteta, ukoliko to dozvoli trenutna epidemiološka situacija po procijeni Dekana Fakulteta, uz poštivanje propisanih epidemioloških mjera (obaveznom nošenju maski prilikom ulaska i boravka u prostorijama Fakulteta i održavanju distance od najmanje 2 metra između osoba, kako u učionicama prilikom održavanja ispita, tako i u pristupnim prostorima Fakulteta (holovi, hodnici), kao i sanitarnim čvorovima). Za osiguranje provođenja navedenih epidemioloških mjera zadužuje se kompletno nastavno i nenastavno osoblje Fakulteta.*
- 4. Ukoliko je student pozitivan na COVID-19 ili mu je određena mjera izolacije, a trebao je pristupiti ispitu ili ovjeri semestra ili bilo kojoj drugoj radnji za koju je potrebno fizičko prisustvo na Fakultetu, istom će se omogućiti naknadni termin za obavljanje navedenih radnji nakon isteka*

važnja mjera izolacije, odnosno dobivanja negativnog rezultata na testiranju na COVID-19. Također, ukoliko to student želi, može mu se omogućiti i da sve aktivnosti za koje to postoji mogućnost (posebno se to odnosi na predavanja) obavi on-line putem Microsoft Teams platforme. Za sve naprijed navedeno student je dužan predložiti dokaz o tome da je pozitivan na COVID-19 ili da mu je određena mjera izolacije.

II

O Odluci se izvještava Univerzitet u Sarajevu.

III

Odluka stupa na snagu danom donošenja.

Dekan Fakulteta

Doc.dr. Emir Tahirović

Dostaviti:

- UNSA;
- Oglasna ploča i web stranica Fakulteta za upravu;
- a/a.